

畫神邕妻周氏墓表 專四二

四月甲口朔三日丙子

按三日爲丙子則朔日當爲甲戌故朔上當爲戌字劉氏長曆四月朔正作甲戌

麴顯穆墓表 專四三

二月朔水巳二口甲口

按二下當爲日字朔日爲癸巳則二日當爲甲午故甲下爲午字

張氏墓表 專四五

庸口將軍後轉內幹將口遷

按馬阿卷墓表有庸牙將軍故庸下當爲牙字此專初出土時牙字尙可辨也遷上爲更字亦見初出土記載

劉氏墓表 專四六

乙巳朔壬申十三日甲申

按以十三日甲申推至朔日爲壬申據劉氏長曆十月朔壬寅則十一月朔正作壬申乙巳爲四月之朔日